

Bericht über die RMS in Trüllikon am Sonntag, 2. Juni 2019

Im 19i isch d'RMS z'Trüllike gsi,
mir vo Brütte natürlu au debii!

Klar, di neu Täsche hät au müesse mit,
super zum Packe, isch würlu de Hit.

D'Sunne hät gschunne i voller Pracht,
mängu händs au na gspüürt i de Nacht.

Am Wettkampf hämmer denn alles gää,
mer händ schliessli vill Püunkt welle heinä.

Im Steistosse und Speer en 7. Platz,
s'Training isch also nöd gsi für d'Chatz.

En 5. Rang im Chugelstosse,
mir händ alli kämpft wie di Grosse.

Nöd ganz eso glänzt hemmer im Hoch und im Wiit,
nimmt eim ja wunder, a was das wohl liit.

5. i de GYM und das im 1. Jahr,
gfreut hemmer eus riesig – das isch ja klar!

I de GK simmer uf Rang 17 cho,
mer händ eus bizeli meh vorgnoo.

Und de 23. Platz i dä SSB,
hend echt d'Richter paar Fähler gsee?

Vill Applaus hät d'Gruppe MFG überchoo,
die sind grad paarmal ufs Podescht ue cho!

Am Namittag gmüetli mit em Bier a de Sunne,
und immer wieder e Abchüehlig im Brunne.

DHeireis isch eimal meh es Highlight gsi,
Tanze im Zug – wo füehrt das nu hii?

Im Bus au na turnet rund um d'Stange,
zum Schluss sind alli zfriede hei zue gange!

Für die Damenriege, 23.01.2020, Karin Dürmüller